

C A P. II.

In quo demonſtratur quod in vniuerſali meteororum vtriuſque mundi contemplatione duo in primis conſideranda veniunt.

In vniuerſali meteororum vtriuſque mundi contemplatione duo in primis conſideranda veniunt, videlicet ipſorum	}	Sedes ſeu locus præcipuus vide A.
		Differentia generalis vide B.

A Mercurio Tiſmegiſto, antiſtite profundiffimo, haud inconſulte ſcriptum inuenimus, *mundum eſſe Dei: hominem autem mundi filium atque imaginem.* Nam vt Deus mundi ſubſtantiam ex nihilo originaliter effecit, ita etiam hominem ex mundi jam creati materia conflauit, eius ſcilicet externum ex limo terræ, internum vero ex ſpiritu mundano, diuino, rationis & intellectus Dei formis ſpiraculo, tanquam dono precioliſſimo prius exornato. Hinc ergo obſeruamus, quod vt ingens ſpiritus Macrocoſmici domus ſeu vas ſit terra opaca, ſine qua nullum in mundo ſublunari perfecte miſtum, ad complementum perducere poteſt, (eſt enim terra elementorum mundanorum ſimul atq; influentiarum cœleſtium, imo vero & ſupercœleſtium matrix) Sic etiam neminem latere poteſt, ſpiritum humanum ſimile ſibi receptaculum vendicare, qui non aliter eſt influxuum cœleſtium acque ſupercœleſtium receptaculum vehiculumue, quam aer elementaris in Macrocoſmo. Vnde liquet, quanta & quam arcta & neceſſaria ſit inter hos duos ſpiritus, & ambo hæc corpora, videlicet Macro & Microcoſmi relatio; at vero, cum tam ſpiritus quam corpus minoris mundi ab illis maioris deriuentur, infallibiliter ſequi oportet, tam ſpiritum in homine aereum atque æthereum, quam corpus ipſius opacum, ab illo mundi ſuſtentari, foueri, ac omni momento in ſuo ſtatu atque exiſtentia permanere; atque etiam nexu inuiolabili, partibus mundanis, tam ſpiritualibus quam corporeis, adhærere, vt etiam morte aut compoſiti reſolutione ab inuicem ſeparari nequeant, vnde ab origine factum eſt, vt ægrotantibus maioris mundi elementis, quam citiſſime etiam inficiatur pars hominis tam aerea quam terreſtris, quemadmodum in ſequentibus accuratius deſcribetur.

C A P. III.

De ſede ſeu loco præcipuo, tam procreationis meteororum, quam ſeminariorum ipſorum receptionis in Macrocoſmo.

A. Sedes ſeu locus meteororum præcipuus	}	Vbi procreantur	}	Generalis, eſt mare aeris ſublunaris vniuerſale.	}	Terra mundana	}	Incluſus.
				Particularis, eſt ſpiritus ſeu aer in				
		In quo tanquam vaſe ſeu receptaculo maxime proprio eorum ſeminariorum inſpiratione recipiuntur ſunt		Terra mundi.		Corpus hominis		cuiuslibet influentia acque ſeminariorum impreſſionis matrices.

Q Vi in meteororum inſpectione operam ſuam dederunt, duplicem fecerunt impreſſionum omnium materiam, vt iam antea commemoratum habetis, vnam videlicet ex qua meteora fiunt, quam nos communi nomine aerem in aliam mutatam formam, ipſi vaporem ſeu fumum dixerunt: